



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Historia Scholastica Magistri Petri comestoris sacre  
scripture seriem breuem nimis [et] obscuram elucidans**

**Petrus <Comestor>**

**Argentine, 1503**

**VD16 P 1829**

Jn quo herodes offendit tyberiu[m] ca. lxj

**urn:nbn:de:hbz:466:1-30892**

## Actuum apostolorum

feriant in subditos.

In quo herodes offendit tiberium.

Capitulum LXXI

### In quadam die

more solito incitaret agrippa tiberium ut traheret auriga eius de carcere. Respondit tiberius: id ipsum ei non expedire, cum in presentia ipsius vellet eum vinculari accusare. Et cum in nullo sibi conscius esset agrippa, testatus est se velle ut extraheretur et accusaret eum. Eductus ille de carcere arguit eum de crimine lese maiestatis, quia orauerat mortem imperatoris. Tunc ait tiberius carcerario. Liga hunc. Intellexit carcerarius hoc preceptum esse de eo qui eductus fuerat et ligatum retrusit in carcerem. Quadam autem die cum deambularet tiberius in hippodromo, id est, in circo equorum, et teneret agrippam per manum vocato carcerario dixit ei, Liga hunc. Et miratus est ille et vniuersi qui preceperat agrippam ligari: cum purpuratus incederet, et quia erat de regio semine. Eum autem duceret agrippa ad carcerem: patiebatur sitim intolerabilem, quia splendide comederat, et forte occurrit ei portitor aque: et dedit ei bibere. Et postquam refocillatus est, promissit ei in primo remuneraret eum in regno galie: considerans quod in proximo galus esset regnaturus, et positus est in carcerem. Et dum quadam die in carcere manens staret innixus arbori: cuius frondibus insidebat bubo, accessit ad eum vnus de coaptiuis: et locutus est ei. Non inquit estimare quod aduuldo loquar tibi: cum sis coaptiuus meus. Volo enim indicare tibi quod indicauerunt mihi dii. Erat autem peritus in augurijs. Cito inquit liberaberis a carcere, et inquam sublimaberis, ut etiam inuideant tibi omnes amici tui et noti, et in hac prosperitate morieris: relinquens bona tua filiis tuis. Quacumque autem huius generis alitem videris amplius super te. scito quia quinta die morieris.

Quomodo liberatus est herodes in morte tiberij.

Capitulum LXXII

### In autem esset

herodes in carcere: deferebat ei honorem dominus carceris, sciens eum esse virum nobilem et familiarem galie, et susti-

nebat tanquam ignorans multas comoditates sibi fieri in carcere ab amicis suis, et fuit in carcere per sex menses. Postea cum esset tiberius apud campas cepit infirmari infirmitate quam postea mortuus est. Et in chronicis alibi legitur mortuus, non est curandum ubi mortuus sit. Videns autem se moriturum: conuocatis nobilibus imperij sui et duobus nepotibus gaio et tiberio: statuit ut in crastino substitueret sibi successorem. Sed prius voluit consulere mentem deorum, et orauit deos suos ut intimerent ei quem nepotum suorum vellet ei substitui in imperio. Et statuit apud se ut illum qui prius veniret ad eum in crastino constitueret imperatorem, ut ita quasi per sortem eligeret: et tamen significauit tiberio ut prius veniret. Qui mane noluit venire nisi prius. Et cum mitteret tiberius nuncios ad nepotes suos non inuenerunt nisi galium. Et venit galus prius ad tiberium. Quem videns tiberius fleuit amare: dolens quia alter non venerat quem volebat substituere, quia tenebatur eius diligebat: sed dissimulabat. Et locutus est ad eum tiberius. Fili tu succedes mihi in imperio: quod potius debebat tiberio quasi iure hereditario: tanquam filio filij, sed ego video te utilem imperio: et noui mentes deorum. Laue ergo ne molestes eum: sed semper habeas eum tanquam fratrem. Satage ut negotia imperij sapienter disponas: et exequas firmiter mei imperiali honore proficias. Et conuocatis nobilibus: denunciavit eum imperatorem: et mortuus est. Et statim aliquantulum insonuit fama in ciuitate romana de morte tiberij, et venit quidam hebreus amicus herodis agrippe ad carcerem: et hebraice dixit ei, Dormit est leo. Et cepit agrippa mirabiliter gratulari: adeo ut quereretur ab eo dominus carceris que esset causa tante exultationis. Et confessus est, quia ille significauerat ei hebraice mortem tiberij. Et statim dominus carceris liberauit eum: et statuit sibi collationem in mensa. In crastino insonuerunt alij rumores, scilicet quod tiberius conualuerat, et tertia die romam venturus erat. Tunc arguit eum dominus carceris quia deceperat eum: timens ne in caput eius rediret quod liberauit eum, et mirabiliter verberauit eum, et retrusit eum in carcerem. Postea increpuit certi rumores de morte tiberij et substitutione galie. Et venit galus romam: et sepeliuit tiberium honorifice.